



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

X. Lehnbrief des Bischofs Joachim über Burgsdorf, Liebenberg [et]c. im Lande Löwenberg für die von Burgsdorf, vom 21. März 1487.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

X. Lehnbrief des Bischofs Joachim über Burgsdorf, Liebenberg etc. im Lande Löwenberg für die von Burgsdorf, vom 21. März 1487.

Wy Joachim, van gots gnaden Biffchop to Brandemborgh, bokennen apinbar mith duffeme unfen apen brive vor vns vnde vnfe nakomende Biffchoppe to Brandemborgh unde vor aller mennichlich die on sien edder horen lesen, dath wy den Erenhaftigen unde duchtigen Eren Henningk, Hinrik, Wedege, Claus, Wilhelm unde Claus, Bruderen unde Vedderen gnanth dye Borchstorppe unfen liven getruwen unnd oren menliken lives lehn Erven gelegen hebben unde lien on in craft duffes brives to eynnem rechten menliken lehne unde in eyner rechten samender hant, so dath on an der samenden handt nycht funderlige wannighe noch funderlich rück offte Broth schaden noch hinderniffe dhon schall, benemeliken elf huwen up dath felt to liwenbergk unde vieff hovers unde fees kottzen hove unde negen morgen landes unde vrie fischerie upp dem water unde vrie holtunghe unde vrie gresinghe in unde upp deme velde to liwemberghe unde soven frie huven to orem-eygen have to Borchstorppe gelegen unde tweunddruttich schepel karne upp eynnes buren have gnant hans fedeler unde vier schillingk penninghe unde tegede unde rockhun up den fulven hoff unde VIII kottzenhave unde up jewelken hoff eynen schillingk penninghe unde tegede unde rockhun. Item up den kesterhoff VII penninghe unde eyn rockhun. Item noch eyne hufe die heth Piter Salomon, dar gest hie van III schepel roggen unde III schepel havern. Item II hufen, die pande stahn orem veddern achim smoke myth deme have unde aller rechticheit. Item twe wische worde vor deme dorppe Borchstorppe unde I morgen landes unde up den krug dar sulvest den halven szen unde Caventh van wymachten wente to Paschen unde IV schillinge tappen tuse unde thegede unde rockhun upp den sulften umme dath drudde Jar unde lien on die vorgnanten have unde hufen unde die anderen benomden stucken myth aller tobehoringhe unde gerechticheyt keyns uthgenamen alle die ore oldern unde szie van unfen varfaren Biffchoppen to erve unde lene gehath hebben, doch uns an unfer unde eyns ydermans rechticheit vnschedelich. Hirby unde over szinth gewesen Dye werdigen gestrengen unde duchtigen Eren wogeschutte compter to Mirow, Er Simon Mathie Prowest to ftendal, Ern acchim Spittler, hans unde bertram van Bredow, Lippolt unde bernt van arnym, unse live befundern und getruwen. To mer sicherheit hebben wy an duffen briff unse Ingefigil wittlich lathen hanghen, die gegeben is to lowenberghe, na cristi unfers hern geborth tusent vierhundert dar na Im soven unde achtentigesten Jare, Am Middeweke na oculi.

Nach dem Originale im Brandenburger Stiffts-Archive. Abschrift von Hefster.

XI. Bischof Joachim von Brandenburg beleihet die Barstorp mit einem Hofe zu Mildenberg, am 1. Sept. 1488.

Wy Joachim, van gots gnaden Biffchopp tho Brandemborgh, Bekennen vor vnns, vnfen nakomen Biffchoppen to Brandemborgh, vnde sust vor idermeniglich, dye dessen vnfen apen brieff sehen, horen edder lesen, dath vor vns gekomen isz dye erbarn vnd dichtige hans Badingk, vnd heth vorkofft vnde vorlassen den Erbarn hermen Barstorp eynen Hoff medt vier huffen, vnde eynen